

Powšitkowne WOZJEWJENJA

njedźelu, 23. septembra 2018

Běh wo pokal zbóżneho Alojsa

Składnostnje lětušich 75. posmjertnin zbóżneho kapłana Alojsa Andrickeho su sportowcy wšěch starobnych skupin wot šěsć lět na běh wo pokal k jeho česći srjedu, 3. oktobra, do Radworja přeprošeni. Započatk při sportnišću je w 10 hodź. Běhać budže so na čarach po 500, 1.000, 1.500 a 6.000 metrach. Přeprošeni su jednotliwcy runje tak kaž cyłki, na přikład šule, wosadne kružki, sportowe jednotki a wjesne kluby. Na běh wo pokal zbóżneho Alojsa přeprošuja Towarstwo Cyrila a Metoda z.t. (TCM), Sportowa jednotka 1922 Radwor, wjesna skupina strony CDU, Radworska gmejna a Radworski młodžinski klub. Zajimcy měli so hač do srjedy, 26. septembra, za běh přizjewić, po móžnosći z mailku na Katolski@Posol.de abo telefonisce w redakciji Katolskeho Posoła pod čisłom (0 35 91) 55 02 12.

Nyšpor z požohnowanjom zapřahow

Towarstwo Cyrila a Metoda z.t. přeprošuje tež lětsa na wosebity nyšpor domchowanki z požohnowanjom konjacych zapřahow. Tutón budže njedźelu, 30. septembra, w 14.00 hodź. w Chróścicach na łuce při Hatkach. Chróšćanski cyrkwinski chór a wosadni dujerjo jón wuhotuja. Wšitcy wěriwi su wutrobnje přeprošeni.

Hudźbna chlósćenka

Twórby Johanna Gottlieba Naumanna (1741-1801), tak mjenowaneho Drježdžanskeho Mozarta, je sej Katolski tachantski chór swjateho Pětra za swój lětuši chórowy koncert njedźelu, 30. septembra, we 18.00 hodź., w Budyskej tachantskej cyrkwi wuzwolił. Po uwertěrje z opery „Amphion“ a ariji za sopran zaklinči oratorij „Um Erden wandeln Monde“ – psalm z Wótčenašom na tekst Friedricha Gottlieba Klopstocka. Zhromadnje z chórom wustupja solisća Romy Petrick, Stephanie Hauptfleisch, Frank Blümel a Timo Hannig, přewodženi wot orchestra Serbskeho ludoweho ansambla. Cyłkowny nawod změje Friedemann Böhme.

Kubłanski dzeń za 1. a 2. lětnik

Dekanatne dušepastyrstwo džěci přeprošuje šulerki a šulerjow 1. a 2. lětnika na wutorje, 9. oktobra, wot 9 do 15 hodź. do Don Boskowneho domu we Worklecach. Hłowna tema je swjata Marija. Zajimcy njech so prošu hač do štwórtka, 4. oktobra, pod telefonowym čisłom (03 57 96) 8 87 07 abo z mailku na worklecy-kise@gmx.de přizjewja. Za wudawki dnja zezběra so přinošk we wysokosći štyri eurow.

Kubłanski dzeń za 3. a 4. lětnik

Dekanatne dušepastyrstwo džěci přeprošuje šulerki a šulerjow 3. a 4. lětnika na wutorje, 16. oktobra, wot 9 do 15 hodź. do Don Boskowneho domu we Worklecach. Zaběrać budu so ze swjedženjom domchowanki a sej zhromadnje slódny nazymski menij zwarić a wězo zesłodžeć dać. Zajimcy njech so prošu hač do štwórtka, 11. oktobra, pod telefonowym čisłom (03 57 96) 8 87 07 abo z mailku na worklecy-kise@gmx.de přizjewja. Za wudawki dnja zezběra so přinošk we wysokosći pjeć eurow.

Eksercicije za Serbow – Boži Duch wožiwja

Kotry duch nas wjedže? Mje wobinsce, moju swójbu, w powołanju, w towaršnosći, w tutym času? Wo tutech prašenjach budu na eksercicijach za Serbow wot pjatka, 9. nowembra, wječora hač do njedźele, 11. nowembra, připołdnja rozmyslować. Dny rozpominanja chcedža pomhać rozeznawać mjez žiwjenja spomóžnym a žiwjenja strašnym duchom, mjez dobrymi časowymi prudami a tymi, kotrež žiwjenje niča. Rozpominanja, modlenje a čišina njech pomhaja, so dale a bóle wot Božeho swjateho a swjatosćaceho Ducha wožiwić a wodźić dać.

Wěriwi ze serbskich wobow su přeprašeni, so na tutech dnjach wobdźělić. Přizjewjenja přijimuju pak direktnje w Exerzitenhaus HohenEichen, Dresdner Str. 73, 01326 Dresden, info@haus-hoheneichen.de, telefonowe čisło (03 51) 2 61 64 10 abo w Chrósćicach na farje, telefonowe čisło (03 57 96) 8 04 00.

Mandźelski seminar

Přizjewjenja za přihot na sakrament mandźelstwa wot pjatka do soboty, 30. nowembra do 1. decembra, w Smochćicach přijimuju pisomnje hač do srjedy, 7. nowembra, w Dekanatsnym dušepastyrstwe we Worklecach. Formularj k tomu su w cyrkwjach wupožene.

24. literarna kermuša Ludoweho nakładnistwa Domowina w Radworju

Pod hesłom „Hura, prózdniny!“ přeprašuju Ludowe nakładnistwo Domowina wšitke swójby, džědow a wowki na njedźelu, 30. septembra, w 15.30 hodź. na žurlu hosćenca „Meja“ w Radworju, a to na swoju tradicionalnu literarnu kermušu. Hižo wot 15.00 hodź. poskića tam swačinu.

Lětsa steji nowostka za džěci wot wobom lět „Hura, prózdniny!“ w srjedzišću. Čitać budu awtorojo antologije Pětr Džisławk a Lubina a Dušan Hajduk-Veljkovićec. Wo hudźbu postarataj so Józef a Jan Brězan na akordeonje a gitarje. Do programa zapřijeću busu tohorunja šulerjo rjadownje 4a Radworskeje zakładneje šule. Woni su z nowym spěwom wobudźowanje „Hura, prózdniny!“ dobyli.

Hdyž budźak hižo njeklinka

Pory nad 60 lětami su wot pjatka do njedźele, 12. do 14. oktobra, na seminar pod hesłom „Hdyž budźak hižo njeklinka“ do Smochćanskeho Domu biskopa Bena přeprašene. Mjez druhim póndže wo wobchadjenje z džěcimi a wnučkami kaž tež wo nabožne prašenja. Přizjewić móža so zajimcy w Lipšćanskej wotnožce za poradźowanje swójbow Drježdžansko-Mišnjanskeho biskopstwa, telefonowe čisło (03 41) 9 83 00 71.

Zetkanje młodostnych a młodych žonow

W Budyskim klóšterku wotměwaja so prawidlowne zetkanja młodostnych a młodych žonow, zo bychu so wo swojim žiwjenju z Bohom wuměnjeli a zhromadnje swójski žiwjenski puć nadešli. Přichodne tajke zetkanje je wot pjatka do njedźele, 28. do 30. septembra. Wone zahaji so pjatk we 18 hodź. z wječerju. Kónc je njedźelu z wobjedom. Wutrobnje přeprašene su młodostne a młode žony mjez 14 a 35 lětami, kotrež za swojej wobinskej žiwjenskeje čaru pytaja. Přizjewić móžeja so zajimče w Budyskim klóšterku, telefonowe čisło (03591) 21 10 83 abo z mailku na klarissen@gmx.de. Tam zhonja nadrobniše informacije.